



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.mafi.gov.my

SIARAN MEDIA

JAGUNG BIJIAN TOPIK UTAMA PERBINCANGAN DUTA BESAR BRAZIL DI MALAYSIA DENGAN MENTERI PERTANIAN DAN KETERJAMINAN MAKANAN

PUTRAJAYA, 17 JANUARI 2023 – Jagung bijian atau Grain Corn antara topik utama perbincangan YB Tuan Haji Mohamad bin Sabu, Menteri Pertanian dan Keterjaminan Makanan (MAFS) dengan TYT Ary Norton De Murat Quintella, Duta Besar Brazil di Malaysia pada 17 Januari 2023 di Putrajaya.

Pertemuan antara Menteri Pertanian dan Keterjaminan Makanan dan Duta Besar Brazil di Malaysia kali ini adalah merupakan pertemuan pertama kedua-dua pemimpin. Brazil adalah merupakan rakan dagang Malaysia yang sentiasa bergiat aktif dalam memperkukuhkan hubungan perdagangan pertaniannya. Bagi tempoh Januari hingga Oktober 2022, nilai import produk pertanian dan makanan daripada Brazil adalah sebanyak RM4.32 bilion. Selain daripada produk bijirin dan makanan ternakan, Malaysia turut mengimport daging daripada Brazil.

Malaysia sentiasa mengalu-alukan sokongan dan kerjasama yang baik daripada Brazil dalam meningkatkan keupayaan sumber makanan negara, selain kerjasama melalui perkongsian pengalaman dan kepakaran dalam teknologi pertanian, terutamanya dalam meningkatkan pengeluaran bijirin jagung, industri tanaman yang berpotensi, industri kelapa dan juga teknologi akuakultur.

Kedua-dua negara juga turut bersedia untuk memberikan komitmen untuk memperkukuhkan perdagangan dua hala dalam bidang pertanian selaras dengan matlamat untuk menjamin sumber makanan yang mampan dan berterusan.

Pertemuan ini turut dihadiri oleh Ketua Setiausaha MAFS dan pegawai-pegawai kanan MAFS serta Ketua Pengarah Perkhidmatan Veterinar dan wakil-wakil Jabatan Pertanian, Jabatan Perikanan dan Institut Penyelidikan & Kemajuan Pertanian Malaysia.

KEMENTERIAN PERTANIAN DAN KETERJAMINAN MAKANAN

17 JANUARI 2023